

QVÆSTIO MEDICA

Quodlibetariis disputationibus manè discutienda in Scholis Medicorum die Jovis 26. Januarii.

M. ANDREA ENGUEHARD, Doctore Medico, Præsides.

An à sanguinis motu vita?

VIX explicator est vitæ quàm Animæ cognitio: hæc velut illius principium audit, illa velut hujus præsentia ex sese nunquam movet, verum semper negotiosa tot functionibus vitæ indicibus, quæ ideo vitales omnes, quævis non omnes appellantur vitales. Aliæ autem tribuuntur Animæ, aliæ Corpori. Neutræ tamen sine mutuo utriusque commercio exercentur tum principes cum minime, tunc pereunt nisi corporis vitio. Harum omnium integritate Medici sanitatem æstimant: molles verò & voluptarij homines unâ sanitate vitam, cujus quotidiana & obvia passim innot cum adversâ æque ac prosperâ valetudine societas, modò laetior, modò tritior, infeliciores, beatiores pro variâ agendi ratione, ad quam Natura incredibili toti organorum apparatu humanum Corpus instruxit: seu intellectus sacra obediens fuit, seu sensuum motusque munera, seu multiplex nutritionis provincia sustinenda. In hac possumus vitalis fundus situs est & ita colitur, ut exinde cæterarum functionum leges efflorescat eo perfusa humore, quo movente vivimus, cessante vivere desinimus.

NON una est rerum causa, causarum tamen ea facile princeps, quæ in omni Naturæ instituto artificis vel instrumenti nomine topoclitur quasi rei cujusque efficitrix, sine ullo interposito interjectuque alieno: Hanc enim operis productio statim sequitur, non secus ac solet æris illustratio Solem, caloris perceptio ignem. Cuiusque igitur vita fuerit aut lux, aut flamma: is verò si illud noverit à quo utriusvis aura diffunditur: noverit profectò, & in corpore tenuerit proximum vitæ functionumque authorem Animæ ministrum, cujus actio quamlibet corporis partem ad varium munus intendet, tarditas & interceptio remittet: quemadmodum calor agilitatem membris conferre solet, inertiam pigritiamque frigus humanæ vitæ non minus infensum, quàm morti familiare & amicum. Quamobrem nemo dubitabit quin humor vitalium operum effector, suavi quâdam mobilitate caleat, in omnem corporis regionem delaturus suum cuique functioni præsidium. Quod uni sanguini debetur, intra tot viscerum officinas, vasorum diverticula, & cribra maxime repurgato; ut facilius pervadat delicatissimam singularum partium texturam, & omni ad agendum idoneum adornet.

SANGUINEM utilissimum vasorum humorem singulis hominis functionibus certius destinabis, quàm suis partibus describis. Alij bilioso, melancholico, pituitosoque succo, eum olim miscuerunt & seroso: nunc etiam alij salivario, pancreatico, lymphatico, necnon & chylo diluunt aut inquinant: magnâ quidem humorum varietate, & opinionum dissensione, ab eo fœne componens, vel conciliandâ, qui calidam laudabilis sanguinis portionem à frigidiori, tenuem à crassiori distinxerit non in venis modo arteriis, sed etiam in nervis. Porro vitalem hunc succum, ex aliis per alia vasa circuire, vetus non est: in corpore deinde moveri quopereffum, tam vetus est, quàm eundem à jecore, vel à corde, ad singulas partes transmitti, ac fluere feri vehiculo, spirituum remigio à tenuissimo sanguine vix dissidentium, viscerum impulsu, aut nervulorum nifu tunicas vasorum ita confringentium, ut quavis omnis voluntarius motus ex nervis pendeat, non tamen omnis per nervos motus, voluntarius esse videretur. Quorum verò tot contentionum procellas, aut metuunt aut experiar, qui in vado sum, tam securus de sanguinis quam de caloris nativi motu, qui incipiente incipit vitalium exercitiorum facultatum, desinente conquiescit.

CALIDUM nativum etiam lippis notissimum, velut alterum ab animâ functionum principium, seu insitum à semine, seu ubi à corde, utrumque paliter nonne originem cepit à sanguine: Qui punctum saliens in ovo non patitur, vel incuntes vitæ triduum ab incubationum curiosis ignorari. Similiter suâ tenuitate sanguis sementem in utero explicat, contrahit, ducit, ductique: atque eodem motu partes animat formatque, quo cietur. Nil igitur mirum si ad eundem in homine nato conservandum tantopere conspirat humanæ respirationis machina, vitæ custos præcipua, quæ iterato diaphragmatis succussu promovel è ventriculo in intestina, ex intestinis sua in vasa chylum, ebulliens illud sanguinis rudimentum. Inde etiam æris usu comprimit & pulmonum vasa & Cerebri ventriculos, sanguine utrinque expresso, è cerebri quidem ductibus in nervos, tum è dextro cordis sui ac pulmonum vasis in sinistram. Unde altero motu in arterias pronumpit, ac continuò agitur materia singulis hominis functionibus aptissima. Hæc enim si toris, cambij glutinivæ modo, perinde est, aut ullâ atomorum figurâ subit, aut reparat intimosque quatuordecim cuniculos: nutrit, auget, providetque generationi. Si distendit contrahitque nervulorum ac muscutorum fibras, movet. Si denique in sensuum instrumentis excubat rebus externis propolita, Animam undulata commotumculâ convertit ad intellectum. Adeoque is idem humor ingenij & vitæ parens, totum corpus universâ veluti radiatione complet ac perficit ad publicum quodque & privatum opus.

NE MO igitur de vitâ ineptius disseret quàm de sphacelo, qui hunc ex intercepto sanguinis motu totiplicem consequetur, quoniam mortis genus homini impendere potest, à caloris nativi inopiâ aut oppressione profectum, modò in partem aliquam obstructione, ligaturâ, vulnere, contritione, frigore, obstupefacientiumve medicamentorum usu imperviam sanguinis rivis: modò in corpus universum, quoties regius sanguinis fons iniquâ vacuatione exhauritur, vomitu, diarrhæâ, sudore, hæmorrhagiâ. Quoties præterea zæris morbi decursu consumitur, maligni humores aut veneni pravitate congelat, viscerum inflammatione arefcit, aut concretiscentis polypi obice omnino supprimitur. Nimirum quot sistend sanguinis, tot perspicue caloris nativi extinguendi modos & moriendi, non violatâ modo sed penitus abrogatâ omni functionum lege. Quid: si aortam amplissimum istum decurrentis sanguinis canalem laqueo intercludis, nonne eodem quo fauces, mortis discrimine? Si cerebrum ac tenuissimâ faucibus, aut nervos præcis ab eo excurrentes ad viscera, nonne statim immobilis fiet corporis molesteria ex immoto sanguineo humore ac spiritibus quod dacebatur? Qui denique si flabellò queat intra mortui animalis venas aut pulmonem aliquando excitari: quâ ratione cordi partibusque motum, hæc eadem referet brevioris forte nec dissimilioris vitæ imaginem.

Ergo à sanguinis motu vita.

Domini Doctores disputaturi.

M. Franciscus Vellon.
M. Claudius Paylon.
M. Claudius Berger.

M. Claudius Biersch.
M. Dominicus de Pary.
M. Henricus Mathieu Chirurgia Professor.

M. Franciscus de la Chambre, Christianissima Regina Medicus primarius.
M. Alanus Lamy.
M. Claudius Quartier Decanus.

Proponebat Parisiis PHILIPPUS TOURBIER, Petronaus, Baccalaureus Medicus. A. R. S. H. 1679.

